

INUIT ATAQATIGIIT

Inatsisartuni



06.09.2018

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1) Danskít nunanut allanut ministeria Folketingip nunatsinnut ataatsimiititaliaani ilaasortamut Folketingimilu ilaasortamut Aaja Chemnitz Larsen-mut apeqquqtaataanut nr. 79-mut imaattumik akissuteqaateqarpoq:

”Illersornissamut Ministeriaqarfiup tamatuma saniatigut ilisimatitsissutigissavaa ulloq 21. februar 1991-mi, Kangerlussuarmi, Pituffiup Illersornissamut nunataqarfiini aammalu Kulusummi mittarfimmut tunngatillugu Statsministeriaqarfiup aammalu Namminersornerullutik Oqartussat akornanni sulianut sakkutooqarnermut tunngangitsunut isumaqatigiissuteqartoqarsimammat. Isumaqatigiissutip § 3-a naapertorlugu Namminersornerullutik Oqartussat qulakkiissavaat, naalagaaffiup Kangerlussuarmi tamatumani ilanngullugit Illersornissamut tunngatillugu ”Luftgruppe Vest” akornuteqanngitsumik allannguuteqanngitsumillu ingerlatsinerminik isumaginnissinnaassasoq. Tamatumani pineqarput kiffartuussinermit soorlu ineqartitsinerlut, nerisaqartitsinerlut, suliassallu isumagineqarnissaat eqqarsaatigalugit mittarfeqarfiup atornerqarneranut tunngassuteqartut. Ilanngullugu takuneqarsinnaavoq Namminersornerullutik Oqartussat susasaqarfimminnik ingerlatsineranni naalagaaffiup nunanut allanut, sillimaniarnermut, illersornissamullu oqartussaassuseqarfii killilersorneqannginnissaat ajornarnerulersinneqannginnissaalu isumaqatigiissutaasoq. Illuatungeriit arlaasa isumaqatigiissummi pineqartut nutaamik isumaqatigiinniussutigineqarnissaat piunasaqaatigisinnaavaat tamatumani isumaqatigiissuteqarnermi tunngaviusut malunnaatilimmik allanngortinniarneqarsimassappata.”

Naalakkersuisut danskillu naalakkersuisuisa akornanni Kangerlussuup atornerqarnerqarnera pillugu maannakkut qanittumiluunniit oqaloqatigiinnernik ingerlatsisoqarpa?

- 2) Danskít sakkutuunit US Air Forcemilluunniit (USAF) Pituffimmi missinnaasoqartinnagu Kangerlussuaq miffissatut periarfissat aappaattut isiginiarneqarpa?
- 3) Naalakkersuisut oqaasertamut uunga immikkut isummersoqquneqarput:

INUIT ATAQATIGIIT

Inatsisartuni



“Namminersornerullutik Oqartussat susassaqarfimminnik ingerlatsineratigut naalagaaffiup nunanut allanut, sillimaniarnermut, illersornissamut oqartussaassuseqarfii killilersorneqassanngillat ajornarnerulersinneqassanatillu”. Isumaqatigiissummi tassunga tunngatillugu Naalakkersuisut qanoq paasissusaateqarpat, Kangerlussuup atorneqarnera allannguuteqarpat isumaqatigiissummut qanoq sunniuteqassava?

- 4) Naalakkersuisut oqaasertamut uunga immikkut isummersoqquneqarput: ”Illuatungeriit arlaasa isumaqatigiissutip imarisai pillugit isumaqatigiinniuteqarnissamut piumasaqaateqarsinnaapput, tamatumani imaassimappat qulaani taaneqartut isumagineqarnissaanut tunngatillugu tunngaviusut malunnaatilimmik allannguuteqarsimassappata”. Naalakkersuisut isumaqatigiissutip nutarterneqarsinnaaneranut tunngatillugu nutaamik isumaqatigiinniuteqarsimappat?
- 5) Kangerlussuarmut Narsarsuarmullu illersornissamut tunngatillugu atuineranut isumaqatigiissutsit sordiaat atuunnersut Naalakkersuisut erseqqissumik oqaatigisinnaavaat?

(Inatsisartuni ilaasortaq Sara Olsvig, Inuit Ataqatigiit)

Tunngavilersuut:

Nunatsinni mittarfiliortiterniarnermut Kangerlussuaq illersornissamut atorneqarnera pillugu ersarissumik qanoq isumaqatigiissuteqartoqarsimanersoq paasissallugu amigaataavoq. Ullumikkut isumaqatigiissutinik arlariinnik atuuttunik peqarpoq, tamakkulu soorunami eqqortumik atuutsinneqartariaqarlutik. Kangerlussuup atorneqarneranut tunngatillugu periarfissat allangortussanngortinniarneqarsimassappat isumaqatigiissutaasimasut imarisaat allangorteqqaarneqartariaqassasut naatsorsuutiginarpoq. Pineqartumut tunngasumik ersarissumik akineqarnissarput kissaatigaarput. Matumani ilanngullugu foketingimi ilaasortamut Aaja Chemnitz Larsen-imut danskit naalakkersuisuisa sakkutooqarnermut sulianut tunngatillugu mittarfinnut atuneq pillugu akissuteqaataat ilannguppara.¹

Kissaatigivara apeqqutima ullut suliffiusut qulit qaangiutinnginneranni akineqarnissaat.

¹ <https://www.ft.dk/samling/20171/almdel/gru/spm/79/svar/1503543/1924169.pdf>